

任也、但一代親王一巡ヅ、悉被任之極秘說也云云、

別巡給

第一親王每年二合依別勅也、今案別巡給是也云云、別巡給トハ、當帝后腹親王不論男女可預別巡給之由被宣下ヌレバ、一人御坐ノ時ハ、每年任之、二人之時ハ、隔年任之、只可依別巡給之人數也云云、

別給

依勅定懸親王巡也、又非后腹當代親王給之號也、一人之時每年任之、但末代無沙汰、寬元宗尊親王非后腹當代親王也給可有之歟、不有之歟有沙汰、遂不被申之、非后腹當代親王給、某親王當年別給ト在之、勝子內親王例也、此義可然歟、依勅定懸親王巡云々、寬平九、六、廿六、宣旨云、尙侍

藤原淑子別給、據一人、一分一人、是年給一分之外也、每年任之、先人之說也云云、今案攝州師遠歟

〔三代實錄清和〕貞觀七年正月廿五日丁未、太政大臣從一位臣藤原朝臣良房、略中等奏議言、伏見自

延曆至仁壽六代親王、年料給分、主典史生等、每代各一人、互稱一代、不用通計、是以或隔一年即給、或經數年稀給、或省內親王不關給例、執論各殊、披訴間出、天慈攸及、還似不平、謹按此、事格式不載、宣旨非切、從見流例、未詳本源、方今年中所出之給、始自三宮、至於諸司、有勞應補者、居常苦其不足、而親王之數四十有餘、非隔數年、難可周給、伏請總計親王、不別代々、輪轉而給、鱗次弗愆、將使先後無恨、男女共欣、永々相承、以爲成式、但先來有勅、所別給者不入此限、謹錄事狀、伏聽天裁、奏可、

〔本朝世紀〕天慶元年十月八日、太政大臣參入職御曹司、被定行雜事、大納言平伊望卿着宜陽殿西廂座、召大外記三統公忠仰云、四品行明親王、去延長五年八月官符備、件親王今上親王所定如件者、而所司自延長六年、以件親王爲寬平御後、載巡給簿行來久、不可追改、宜准故雅明親王例、從彼延長六年爲寬平御後、宛其年官者、即書件宣旨續納已了、